

四部叢刊

金華黃先生文集(一)

239

四部叢刊初編集部

金華黃先生文集

卷一至卷二十三

上海涵芬樓借印常
熟瞿氏上元宗氏日
本岩崎氏藏元刊本
原書版高營造尺六
寸九分寬四寸七分

黃學士文集序



翰林侍講學士金華黃先生文集統四十三卷其初彙三卷則
先生所編次續彙四十卷則皆登第
後年明人氏生宋生
白華精以續續讀之
愛玩動息之不已
知其致力之勤用心之苦也故其見諸
朝廷諸冊之記載山林泉石之詠謠無不各得其體而極其趣
以自成一大家之言不既甚盛矣乎余嘗論之文章與世運同為
盛衰蓋百年或數十年輒一見焉先生當科目久廢之餘文治
既廢之世得大肆其為已之學以擅名于海內雖其超見卓
識有以異於今其亦適值世運之一盛也耶譬諸山川之風氣
草木之花實息者必復悴者必榮蓋亦理勢之必然者夫豈偶

然而已哉先生領延祐甲寅鄉薦先文靖公實為考官於師泰
有契家之好其後同居史館又同侍 經筵交誼為尤篤比庶
問閩南過金華得先生之集於王生故叙而授之三山學官俾
刻梓以惠來學先生登進士第授將仕郎台州寧海縣丞歷石
堰場監運諸暨州判官浮沈州縣幾二十年始入翰林應奉文
字尋丁外艱服除改國子博士居六年以太夫人春秋高乞外
補遂提舉江洲儒學年六十有四竟癖祿歸養以中順大夫秘
書少監致仕及終大夫人喪年已踰七十矣復被 召為翰林直
學士兼 經筵官陞侍講學士中奉大夫同知 經筵事數告
老不許久迺得謝去今年七十又九猶康強善飲啖援筆騁馳
如壯歲去至正十五年十月既望朝散大夫福建閩海道肅政
廉訪使宣城貢師泰序

金華黃先生文集卷第一

初藁一

五言古詩

臨川危素編次

番禺劉耳校正

襍詩五首

日月東西行羣動亦不息寄身萬物中寧獨謝茲侯所以魯中叟遑遑走南北聖哲諒已然旅人能久安

晨起步南園旭日朗以清葵花衆草中曄曄敷丹榮流光非汝私獨爾心自傾覽物有深懷竚立方含情

璞玉與寶劍淪落初未偶君看被湔祓各在千年後將身比金石誰當獨長久悠悠百代下相知復何有

孤雲澹無心出山偶爲雨長風忽吹散渺渺歸無處唯餘向來山突兀青如故慷慨魯仲連功成身已去

春風著萬物欣欣皆自私可憐兒女花榮悴更相持獨有澗底

松偃蹇如不知何親揚執戟草玄騁名絲

效古五首

上山見明月下山月相隨月豈知愛我我行自見之故山日已遠故人不可思殷勤謝明月願爾無時虧

女美衆所悅士窮世所輕輕重安足言泥盡水自清淮陰初寄食曲腰踣下行季子黃金多妻嫂來相迎自古已復然歎息空吞聲

擊石乃有火石火光不揚攀天亦有路天高路何長嗟哉萬古雲下覆歌笑塲富貴誠足多貧賤不可忘

落花隨風吹各自東西飛花飛既不息水流復無極同生不同歸能勿異顏色木生則有枝豹死則有皮悠悠岐路間多言亦奚爲

飲酒莫盡醉盡醉無餘懽讀書莫吊古吊古多悲酸蕭艾救中
野白露摧芳蘭鳳飢不得死鳴梟食琅玕去去復玄玄采芝青
雲端

人事如草木

人事如草木一氣榮悴之外物何預人而真喜與悲堂堂異姓
王昔者踣下兒窮通本解后達者固不疑阮生亦隘人慟失真
奚爲

煌煌明月珠

煌煌明月珠未害居濁水君看黃河黃豈解污清濟我方遺吾
形寵辱齊一指懸知破琴戴未若搗搯

微雲翳白日

微雲翳白日羣動何喧喧嗚呼麒麟兒化爲猴與猿登高望四

荒但見黃河奔誰哉沂其流與我歸崑崙萎蕤青桂花霜霰日
已繁豈不有桃李對之可忘言

古意

荆人初得玉趺足辭嚴阿持獻萬乘君君門正嵯峨誰其尸國
工認以石見訶迷邦誠不忍欺君反同科臣口不自明臣心終
靡它抱璞重再拜呼天淚滂沱淚盡血可續玉在良已多是事
古則然嗚呼今奈何

連雨襟書五首

蕭蕭十日雨出門竟何之不愁道路難所懼沾我衣悠悠看屋
梁作計誠已非有酒不解飲且遂哦吾詩
昔慕栗里翁頗復志耕耘偶入翰墨場把筆學爲文偃蹇獨何
成喧呶浪云云念彼荷簑子窮年愧其勤

虛堂坐無言，繾綣悲宿昔。常時眼中人，已如不相識。剝琢者誰子，令我喜折屐。忽去已莫追，一咲岸玄幘。我思仇山人，山川莽回互。十書九不到，木葉歲頻暮。頗聞近移居，併失夢中路。得無挈妻兒，倒載入山去。今日曷不樂，孤倡無與酬。兀坐把書卷，展玩不自休。借問誰所為，其人已千秋。山雨政可聽，撥書置牀頭。

晚晴

洩雲散積雨，林木含餘清。披衣有奇懷，偶從林叟行。新晴遠峯麗，夕陰孤花明。曠日固所虞，聊茲息營營。

夜歸

空山四寂寥，落日翳榛莽。蜿蜒草中迹，躡屩度寒雨。楠杉窈深黑，忽忽疑伏虎。林窮澗水明，稍聽歸人語。

讀忠簡宗公遺事

公初起滏陽艱危屬多壘蒼然國家意委身干戈裏陰飈卷翠
華朔雪被南紀悠悠虞淵日力盡揮不止寅恭秉齋鉞際會開
朱邸長安付馮異漢業中興始宮庭數汎掃蹕路無荆杞疚心
望鑾輿感激涕如水上表方出師嗚呼孔明死宴安不可懷肉
食母乃鄙臣舟竟未焚三語猶在耳蕭然菴祠下碧草垂階圯
登堂挹先儀未歸仍几几千年墮淚碑一夫敢殘毀傳家有遺
書叙事非虛美勗哉慎失隊庶以裨信史

陪諸老夜飲

世故不可料忽若浮雲移坐令百年內顛倒殊懽悲願惟我與
公異代同一時覽古既深慨撫今亦餘噫長川玄悠悠青山暮
委蛇向來遠遊意我行方遲遲咄哉有志士平歲恒寒飢况復

託渺茫欲與千載期盈虛信天運癡興豈人為
顏公姑舍是一觴聊可持

曉行湖上

曉行重湖曲旭日青林半霧露寒未除鳬鷺靜初散
寅緣際餘景閃條多遺玩會心乍有得撫已還成歎
夙予丹霞約久茲芳洲畔獨往願易違離居歲方換
沙暄芷華動春遠川華亂存期寂寞取適豈爛漫小
隱倘見招漁樵共昏旦

西峴峯

層雲抱春岑急瀨洩嵌竇脩蹊入窈窕衆綠蔚以茂
名亭標水樂柱折荒碑仆幽尋得緇廬亂石扶結構
青精午堪飯碧澗寒可漱平生慕真賞及此成解后
冥探指絕頂有路忽通透緣蘿度蒙密翠氣濕衣袖
寄身萬物中下睨人寰陋清謠襟風竹大

嘯落巖狖東峰在眉睫可望不可就同遊却何時瑤艸春已秀

夜興三首

秋氣入病骨殘夢脩然驚芭蕉葉間露風過皆成聲攬衣沈寒
內搔首天河橫飢蛩語不休中宵誰汝令孤鴻亦何苦犯霜度
微明悠悠念羣動百感忽我并大化倘不爾吾其免營營

寒星挂疎林夜色翳餘暝雞聲驅行客出門路方永亦有山中
人熟睡方未醒而我立於獨婆娑玩光景一咲天宇青此意君
自領

舉頭見殘月葉脫知深秋今我曷不樂歲月如驚鷗常憐古志
士辛苦歌飯牛空山夜漫漫政合秉燭遊臨風振吾衣蕭瑟不
得留小立殊復佳澗水鳴幽幽

陳生詩

陳生少也孤秉志何軒軒讀書奉慈母承顏郁春溫兀然處膝
下不間晨與昏叢叢萬井中陳生深閉門暉暉百花時陳生不
窺園常恐去左右或乖覆育恩一朝抱長痛飛霜墮秋萱鹽酪
不入口日夜涕翻盆欲娶弗及養矢言終不昏尚賴百歲後兄
子父所孫朝來遊子衣忽逐東風翻世方醉糟粕何庸薦犧尊
陳生頌謂我是事安足論幸託山水窟放情詠蘭蓀嗟今學步
者觸險爭飛奔願爾利鋤鏹深斲六籍根願爾進竿舫高沂百
聖源源長流自遠根大枝乃蕃勿搖崔嵬華許作礫礪言弘惟
孝與弟百行茲其元咄哉行勿休日月方沄沄贈言豈予敢情
真覺辭繁匪為陳生榮庶感薄俗敦

述懷

端居有多感求志無餘營夙違金門路緬愛丹丘名課忝君子

顧捧身廁羣英卑栖念遠引窘步迷先征倪默敦宿尚低徊阻
平生伏枕勸中夜攬衣寄遐情上天廓澄穆列宿揚光晶俯視
林木改仰悲鴻鳴跂子秉微素十年守柴荆希世垂近務慕隱
餘衷誠願言良時晚庶保幽人貞

寄方子踐子發

窮居悵無遂徂歲聿載陰飛翹隕芳華候蛩厲哀音曾颺扇叢
薄泫露栖喬林撫景慨徃古端操思繼今折蘭間幽佩解纓濯
清潄石林宵蕊舊桂栢鬱蕭森遺世豈余敢匡時非我任覽已
譏高軌即事念所欽纏綿阻道里緬邈眠崗岑委懷竚芳訊貽
好在規箴

寄俞子易

間居寘歡豫枉駕忻周旋清言邁脩夜朱火銷餘烟嘉會良不

易鬱抱壑吁宜揆余徇微業春冬屢徂遷著微忤往括馳芳謝
時賢睽茲企三益揮袂增慨然杪秋淒且厲郊圻曠阡眠振飈
捲飛藿積霧迷遐川契濶歲復流瞻望情所牽存期尚勿奪輔
仁庶不謬紫芝無新曲白駒有遺篇矢心遂拓要贈言比芳荃

東園晚歸

泖忍嬰近務迢遙愛佳辰興言望東菑良苗藹津津鄙人昧時
趨曠途夙所遵幸遠藉組累稍欣田圃隣兀兀登故畦悠悠睇
城闔理穢出新竹撼枯落荆薪夕日逗遠川餘暉散衣巾疊疊
物變依依念農人渠渠長者惻惻非賤貧

送凌吉叟杭州教授

浙水西八州維杭寔名都古來萬人海逐逐無賢愚况茲百年
後淳朴古不如翩翩誰家兒白馬驕路隅春風樊樓醉一咲百

鮮珠亦有朱門家齊謳間吳歛綃綺散烟霧續絲被僮奴可憐
彼蚩蚩以爲紅塵驅頽俗如波瀾孰障羣流超又如敗屋辟風
兩須人扶博士非冗官豈即無良圖當令歌舞場化作弦誦區
行矣徇所務辭章信其餘春風揅別衣晴沙秀寒蘆何以贈子
行白雲不可呼聊持狂者言用比貂褱褕

送朱仲山之京

騏驎出渥洼注意欲周八極芻豢豈不多未便甘伏櫪念君抱耿
耿坐視暄涼易忽辭白髮親去作青雲客應恐鄧仲華咲尔長
寂寂鄙人屬有念未辦經世榮青燈兩如綫窮巷方偏仄懸知
操斧斤不必睨擗櫟往哉布汝懷庶用副前席勿云萬戶侯自
可談咲覓百年滔滔內岐路足南北出處會有爲聚散奚暇惜
歌我辛苦詞送子遠行假崢嶸壯士志滌滄遊子色那無平生